

The Electronic *Manipulus florum*
www.manipulusflorum.com

Caro siue corpus I
cum fonte primo

In hoc mundo cum nostris temptationibus nascimur;
et caro nobis aliquando adiutrix est in bono opere,
aliquando autem seductrix in malo.
Si igitur ei plus quam debemus tribuimus,
hostem nutrimus;
et si necessitati eius que debemus non reddimus,
ciuem necamus.
Sacianda itaque est caro sed ad hoc usque
ut in bono opere nobis sufficiat.
Nam quisquis ei tantum tribuit
ut superbiat, satiari penitus ignorat.
Ars itaque magna est satiari
ne unusquisque per satietatem carnis
ad iniquitatem prorumpat turpitudinis.

Gregorius omelia VII. secunde partis Ezechielis.

Ex peccato etenim primi hominis, infirmante natura,
in hoc mundo cum nostris temptationibus nascimur.
Et caro nobis aliquando adiutrix est in bono opere,
aliquando autem seductrix in malo.
Si igitur ei plus quam debemus tribuimus,
hostem nutrimus.
Et si necessitati eius quae debemus non reddimus,
ciuem necamus.
Satianda itaque est caro, sed ad hoc usque,
ut in bono nobis opere famulari sufficiat.
Nam quisquis ei tantum tribuit,
ut superbiat, satiari penitus ignorat.
Ars itaque magna est satiari,
ne unusquisque per satietatem carnis
ad iniquitatem prorumpat turpitudinis.

Gregorius Magnus, *Homeliae in Hiezechielem prophetam*, 2.7.19 (CCSL 142, M. Adriaen ed., pp.331-2, ll.574-583).